



文館詞林

一

~ 16  
618  
1





618  
16



文館詞林卷第四百五十一

碑卅二

百官廿二

中書舍子賓客監祿國史文館學士上柱國高陽郡開國侯許敬宗奉勅撰

將軍二

北齊魏收征南將軍和安碑銘一首 并序

隨薛道衡後周大將軍楊紹碑銘首 并序

大將軍趙芬碑銘一首 并序

薛收驃騎將軍王懷文碑銘一首 并序



將軍二

征南將軍和安碑銘一首 并序 北齊魏收

聞夫抗玄穹之維綴黃陸之紐  
鳴天鼓而號衆舉地絡以籠物  
蕩滌權輿埽理草昧英賢居腹  
心之切雄毅當爪牙之重近則  
柔祥魁傑爪葛豪俊蕭曹樊夏

佩璽而効節吳鄧來祭荷策以  
徇名遠有張陳鄴灌馬竇寇耿  
雲歸風往葉從枝附經綸乃方  
折衝九服往者晉造永嘉中原  
瓦散分崩七紀膝加五胡於是  
魏乘其弊奄結區宇泚沃神州  
羅絡荒極中謀外禦比肩受事



燕許崔張決其策孫干奚庚  
制其兵於時尚書令定陵公和  
公經武緯文鷹肅鸚跼軒輕  
由其先後輕重隨其去就  
心注意朝野宗之方撫公輔  
之尊歸以將相之首朝廷政  
事咸所諮決調高遂以驚衆

震主於是身危既而綿地長  
封良金且鑄表靈異於名山鬱  
光明於祠典即公之高祖父也  
公諱安字某沅源共玄濤比深  
層搆与白山俱傑雄颺代方聲  
架河右水運統紀家寶疏附  
帝邑屢徙我不常居今為清



都臨漳人也曾祖父鎮都大將  
祖燕州刺史俱蘊深沉之氣  
威負磊落之節正途先踐直  
轡不迴位不充量志行迹屈  
乘此心也矯然千載考觚撈  
崇竦異趣流俗遺時離衆室  
迹人遐顧有親同五賢位先

九牧祗待如神辟書先降終使  
重席佩几罕見伊人懸榻奪  
版竟無此客公感降星精禎  
標月畧家門神筭之徵舅宅  
貴甥之相言咲之始神情絕  
人翦剝之初風望駭俗粗教方  
日略櫛章句方言朝誦五行併



覽口折堅白似弗能談心定朱  
紫莫知其察履繩踐墨率禮  
弘教行彈孝敬事窮仁厚物  
仰庭訊時無間言持刻斯之  
緒居執珪之胄惟祿惟功公  
卿有業立言立德師佐攸侯  
猶夫靈岷種玉永漢藏金用

超海內之寶動擅天下之價魏  
孝明時起家奉朝請荆揚逋  
醜內夔譙梁公為別將平南府  
長史受命即戎忘身致檠尔  
時散地征旅潛亡公仁以為任信  
而開物逃竄歸命多全要領  
退除襄威將軍負外散騎侍



郎魏北海王元顥烏集江陰進  
熟逋偽假錯面之穢資文身  
之醜窮寔深入鑿輿外巡公陪  
從艱難魚陳方略天柱大將軍  
介朱榮入衛行宮咸見嘉賞  
授明威將軍給事中領榮府  
法曹叅軍接武白雲之士驤首

素朝之會鞭馭之間柳揚風  
彩及天綱四張宸居載蕭轉  
通直散騎侍郎監朔將軍北  
道大行臺郎中加監遠之号  
而二相驕矜一德致爽甚芒  
刺之猜伏尚方之劔拔幹為  
梗禍猶崩圻仍推踈屬入據



寶圖授中書舍人尋除通直散  
騎常侍冠軍將軍兼給事黃  
門侍郎仍領舍人天人未允符  
璽改授復以常侍領舍人於  
時迴天轉日不心三公詢子二  
言翕肩側目公持之有度一毛  
不動履正居和泯然無際轉

司徒掾常侍將軍如故論從  
北巡之賞時宰介朱隆以公曾  
失其旨侯遂不及我不屑已  
橫議更以為高授太中大夫車  
東將軍轉河南太守斯遷舊  
鄴伊洛蕭條關寇東窺荆蠻  
北視公招懷初附慰恤遺黎鎮



以寬重莅以廉正西過南撫威惠  
俱洽風化所被歌謠迄今威宗  
景烈皇帝四端斯啓五彩行集  
應試作範朝府崇開以公鑒遠  
遠韻高引為司馬俄以敷奏寄  
重複授中書舍人兼嘗食典御  
中軍將軍魏孝靜言次訪公升

柄所指對以聞隨四時所未曾  
識其甚慎也如此而嗟敬也逾  
深復除黃門鎮南將軍舍人如  
故出行梁州事高明旁鑒哀矜  
下臨窮為政之上榮盡牧人之  
大體當時秦中醜類侵擾潁  
川三軍出討千金日費蹄令如



霜徽發猶雨公心計屈指願  
眇已得人吏驚悚咸日神明轉  
使持節都督義州諸軍事本  
將軍義州刺史凌輔榛曠嶠潼  
阻澁慕義攜負抑日新秦公  
綏以清靜化以簡易高枕閉  
閣無欲無為庭有人羅之雀

邑無妄吠之犬圖畫相傳但  
且不絕徵拜散騎常侍征南  
將軍掌知東宮事地日少陽  
重光監國崇賢冠帶博望巾  
裾莫非高名上才霞舉仙步  
非直左右前後咸求正人公  
時表國華舉朝瞻想叅政



儲后風猷惟穆耳其翼亮二  
宮遂階三事邈五君而光輔  
冠一代之偉人而陽鳥入巢陰  
堂夢講奄嗟代序之促遽深  
停市之慟以天保六年十月薨  
於位春秋若干追贈本將軍  
幽州刺史太常考終定謚日質

禮也惟公天璞不雕全德斯在  
應物隨方攸往必適至若先  
意承志終始加人永懷風泉  
之感長結茵斯之慕逮於任  
事以官進德而祿震順持方可  
久可大發跡暮歸移朝變市  
劬勞出內經關險夷履揚公



之潔方夜逾畏執葛相之平  
如稱弗動任真居坦得喪忘  
懷弗懼武光無驚雷電濟陰  
魏諷交傾時右鬲令表毅質  
滿朝賢凡此族也曾無蕪介  
使當宸執鈞心敬而小朝倫  
國望希風竦目紡毛帶草之

容捧手如舊乘軒結駟之子  
雅語猶新忻敬可加貞固不  
奪清裁方格人間推重邁種  
積祉英異咸歸婁踰九竒子  
過百鍊終以四昭八達言揚事  
舉敷贊邦典會通政術丹青  
王化羽翼天朝冠冕縉紳跡術



綸棟幹皇上深嘉股肱且懷  
舊德表閭軾墓義有存焉復  
贈使持節都督吳瀛滄三州  
諸軍事驃騎大將軍冀州刺  
史尚書左僕射司空公以天統  
四年月日改卜於此處故吏公官  
姓名等僉謂寫音調律爰自

於神工感事形聲當存於識  
聿道繫於人亡雖絕名憑於  
迹、有可圖伐石懸鏡之山  
傳響鳴鵠之地其詞曰  
恒山北臨河流東折夏海漱澤  
寒門窈窕地蘊精靈人表莫  
烈高冑洪緒標其竦傑輦車



而往無資獨擅智踰万隙勇  
超百戰翼子氣矜貽孫風扇  
槩遠無屈節高非賤奔載  
夙間聿脩潜地池龍行躋鳳  
毛當矯變化稱神昇降為寶  
克仁克義能大能久言愬百  
行來謀十官價重良玉名馥幽

蘭在國多否為臣獨難芳草  
能勁比木凌寒府誅朝易浚  
命遄至趨奏青蒲對楊丹地  
分符外踐擁旄出莅立事立切  
殊途一致君子無濟莫猷允塞  
推道崇儒存韓尚墨曲藝罕  
頤異端靡或由我被入自家



形國體正居雅成務龍樓下  
資教義上屬謀猷在川方楫  
於生若浮玉門筮水張氏懷鉤  
珠林重穎碧堂隆構凌雲迴  
擢冠山標秀國慕杼蘭朝宗  
領袖宸鑒攸揆祀斯崇薦  
旌賢申命文物增輝山原起

忽冠蓋霑衣空閭不朽孰與  
同歸悠々大化人間復非

後周大將軍楊紹碑銘一首 并序 隨薛道衡

若夫天地之大德聖人之大寶  
其惟生位乎生有終而位有極  
道恒存而名不朽故雲臺驕  
閣所以圖其形三哥史頌所



以播其聲公諱紹字某弘農華  
陰人也靈源發於姬水丕緒  
分於晉國西京丞相乘朱輪者  
十人東漢公輔服袞衣者四葉  
本枝日盛景福潛流逮我皇隨  
鬱為天族祖國鎮西將軍父定  
新興太守或擁旄杖節式遏

寇戎或剖竹要銀撫導眩俗  
文猷武略燠乎鯁簡而洪河  
帶地砥柱發其英靈太華干  
天高掌騰其秀氣誕茲魁士  
是稱間出月角山庭幼彰奇  
表遠情正骨本異常人連城  
三五未足比其內潤照車十二



不能方其外朗鳥策魚圖莫  
不覽閱珠韜金遺偏所留心  
既有拔俗逸群之姿常懷激  
水搏風之志天柱大原王肇  
開霸道廣招俊傑深揖高名  
引屠麾下于時魏鯉落紐羣  
凶競逐葛縈虵食鯨吞拔燕

滅趙類蚩尤之徵風名兩若共  
工之絕地傾天太原王親勒熊  
貔直指漳滏公提戈橫厲躍  
馬先登凶衆凡解頽有其力授  
監軍都督既而秦隴妖寇鳴張  
蝟起始則孤鳴感人終乃獸飛  
噬物賀拔岳一時雄武出制天



泉公別統支軍任當群帥筭無  
遺策戰必先鳴旣展破竹之功  
允膺折珪之典封饒陽縣開國  
伯邑三百戶尋授征西將軍金  
紫光祿大夫轉衛將軍右光祿  
大夫侯莫陳悅內懷奸伏潛運  
凶謀變起轅門害加上將周大

祖昔經委質情深發憤越自  
藩部星馳赴難建旗擗衆志  
弥仇讎公亦叶贊莫圖同茲義  
舉凶魁剿滅誠効兼宣授大  
都督鼓節尋封荊州冠軍縣開  
國公邑五百戶加通直散騎常  
侍進車騎將軍左光祿大夫齊



神武遷斯河朔包栝山東傾韓  
魏齊楚之兵引漁陽上谷之騎  
千里不絕百萬為群濟自臨晉  
長驅馮翊周文潛師沙苑以窻  
對衆公猛氣從橫竒謀間發或  
縈左拂右或撫背衝心鄰敵大  
崩隼輪莫及榮功飲至誠力為

多授儀同三司蕭鐸據有渚宮  
纘梁偽位耽左江右湖之樂悅  
朝雲暮雨之神貞臧不脩政  
刑日紊燕文公受柯執律吊人  
伐罪公分勒戎麾共為犄角螭  
狐競上梁欂爭前楚君所以銜  
璧郢都於是庶定拜開府儀



同三司封儻城郡公邑三千戶天和元年進位大將軍歷任燕數幽三州刺史凜風雲而舉八翅垂雨露而撫千圻服冕彰其寵榮洗憤表其清慎而表丘况齋食之壽終自妄言句芒錫秦伯之羊徒虛語耳春秋七十

有五以周建德元年薨於幽州贈成文扶鄧洮五州諸軍事成州刺史越公年月厝於公所易名考行謚曰信公禮也惟公志度察廓風儀雋之偉運屬連橫辰生逢用武之日控權竒之馬精貫鉤鈴帶豪曹之劍



氣侵斗斗折衝禦侮除暴靜  
亂竒正比於孫吳切業同於衛  
霍輕財貴義好賢下士柏園  
內之米曾不介懷散廡下之  
金聊無怯意呼船不弃彈鋏  
更重故能氣蓋三輔聲振一時  
鍾慶有徽克光後葉第二子

文館詞林

四百五十二

司空公廣平王雄藩屏皇家  
鹽梅斯餗仰惟過避之訓永  
結陟岵之哀故府佐姓名等以  
為陳太丘一介邑宰尚有改名  
之碣郭有道德儒生者身猶興  
愧之詞况乎盛業鴻勳瑰才偉  
器而可翠石徒寢丹筆空栖乃

干



勒此豐碑樹之來裔垂芳猷  
與懿範共穹壤而俱弊其詞曰  
嶽靈集社台宿垂光高門右地  
蟬聯克昌緇衣朱紱玉鉉金章  
日祖日禰令閔令望爰降菁華  
挺茲瑰傑志識開爽心神昭徹  
幼標壯氣早著奇節好覽兵

鞬能明軍決河朔挺禍凶寇橫  
行宸居肝食霸后專征奮茲  
虜勇摧彼妖鯨武安凡落神  
巖石鳴二雄交爭三方未一陣  
雲不解兵星屢出策預廟謨  
功宣戎律圖庸命賞加榮進  
秩馭戈祭戟獸節龍旂六轡



背四職駢、出喧朱鷺入敞黃  
扉班條按部布德申威人類  
鷓鷯壽非龜鶴孔壺漏盡金  
高標景落葆吹龍吟蕭愜魚躍  
鑄金模范為山葬霍前基已  
峻後肩弥隆作藩論道既王  
且公踐霜濡露遐遠慎終敬

刊琬琰播美無窮

大將軍趙芬碑銘一首

并序

隨薛道衡

若夫搏扶搖而上九万者必有  
垂天之羽翼苞島嶼而納百  
川者必有出日之波瀾斯乃  
大器所以懷遠圖宏才所以  
膺重任故有出地出洛之佐



為梅為礪之臣翔諧帝道緝  
與庶績亦何代無人哉淮安  
定公繼之矣公諱芳字士茂  
天水上邽人也自瑤池御駮鈞  
天射熊歷王澤而逢神登常  
山而得寶縣積載祀莫靈不  
絕十一菜祖融所謂荀令君

趙盪寇之為蓋時乎即其  
人也高祖逸壯思高才雲飛  
飈豎已挂人樞史筆不復架  
屋施林曾祖琰祖賓育或  
頻贊藩雖屢嘗銷艾立言  
展事歿而不朽父備演分符  
賜札樹德於名邦朱鷺丹



惟衰終於蒿里而獸雲起  
臯繇出龍宿感周勃生公資  
靈特挺氣稟純粹殊武仲  
之木性偏實異文舉之金精  
太多孝窮行本仁為己任崇讓  
去伐絕矜尚之心豁情順理無  
喜愠之色先聖徽言味之而

不倦雕蟲小道能之而不為  
物望坐高聲譽藉甚周太祖  
肇開相府盛選僚佐引為記  
室轉外兵遷內書舍人尚書  
兵部郎職乃應星人同披霧  
豈直張燈流稱固亦覆被  
見知周受禪除冬官府司邑



大夫又為陝州總管府長史天  
府地軸二國並興伊洛崑函  
百樓相對金星大宿芒角恒  
動牙璋羽檄晝夜交馳公叅  
贊戎機運籌幕府三川之地  
呼吸而并吞九國之師逡巡而  
不進加儀同三司仍長史徵入

朝歷御伯納言進位開府儀同  
三司稍遷內外府掾吏部內史  
御正三大夫天官府司會春官  
府司宗領夏官府司馬封淮安  
縣開國子前後任熊析二州  
刺史公志識高瞻幹翮優長  
遍歷群司咸居要重文墨堆



几主者環階照理若鏡明剖  
滯如劔割及擁旄杖節按部  
班條家承禮教化致清靜東  
夏平授相州天官府司會進爵  
為侯大象元年置六府於洛陽  
除少宗伯攝夏官府事二年拜  
上開府進爵為公大隨飛名

帝籙允叶天序火木異行鳥  
龍殊號號開皇元年拜大將軍  
東京尚書左僕射封淮安郡開  
國公東京罷授京省尚書右  
僕射三年兼內史令僕射如故  
自金運窮圯華夏陸沈聖人  
之軌則罕存先王之風格咸盡



皇上撥亂反正康俗振人標  
明政典興復礼教公内掌綸  
緋外司端揆若四嶽之遵行  
堯道猶八元之輔成舜德方  
驗大水凜舟良臣見任巨魚  
鱉聲聖主得賢么年除蒲州  
刺史加金紫光祿大夫以公

羊時者邁故優以外任也莅  
事四周風化大洽屢辭以疾  
解職還京九年抗表乞骸  
骨聽以大將軍淮安公歸第  
仍降璽書兼賜几杖衣服被  
褥板輿等皇太子遣使致  
書賚巾帔等七種春秋七十有



七以十四年薨於京師之太平  
里王人弔祭謚曰定公礼也粵  
十五年厝於小陵原惟公靈  
府內融虛舟玄運有礼有法可  
大可久從政立朝五十餘載垂  
纓拖玉卅餘官文馬華軒不改  
素土之操當軸據要弥懷恬

淡之心方正確然風塵不染  
清白自守脂膏莫潤故能名  
行兩全始終俱美扶陽濟濟  
豈得獨稱弄相東都藹、自  
可繼軌踈公而隨武可作餘  
風未泯公業不亡析薪有寄  
佐官姓名等仰惟感範畢志



不追雖良史德迹藏於東觀  
尚書故事留在南宮而夙煙  
已合莫辨成樓之氣松栢且  
權誰知夏屋之所乃勒此高  
碑樹之幽隧同扶風之下馬若  
襄陽之愴淚其詞曰  
長源遠胄出翳分秦文祠二客

襄祭三神縣紀歷代鍾慶累  
仁不常厥去所在稱瓊潘美家  
風陸陳祖德粵惟威緒播此  
淳則代襲衣纓門傳儒用仁  
成里以信為國惟公降誕早  
標風槩雅量遠情動無近對  
研尋百氏下上千載立行憲尤



出言可佩繁數縛祀報德酬  
庸頻移人爵屢荷天寵黃扉  
置府赤社分封堂高陞峻實  
著賓從斯命歸火謳歌去木  
五運載新三靈改卜蕩滌區宇  
澄清埽躄任忉股肱誠深砮  
浚漢委四竒魏凖五俊居今

望古綽有遊刃應物英明  
持身淵慎名教斯在風猷  
坐鎮表上祝壽句芒賜年三  
達已具五福無憊高情知  
正大璞能全蘭陵金散沛邑  
車懸千月易往一生俄度白  
日滕城黃腸霍墓石麟詎起



金雞豈呼銘讚恒存聲塵  
永布  
驃騎將軍王懷文碑銘首并序薛收  
蓋聞惟生為貴輕之者類於  
鴻毛非義不居取之者同  
於熊掌當仁處命不其難  
乎故酬儻不羈之才英竒傑

立之士遑々重志業落落建功  
名心貫金石之中氣逸煙霞  
之上雖則山淪海覆霧卷塵  
飛償節捐軀蹈之由已斯為  
美矣豈徒然哉若乃褰廓  
千齡柳楊万代獨顯非常之  
効以終國士之恩高烈振於



遐年義聲聞於當代則驃騎  
王君見之矣若諱懷文字思忠  
太原祁人其先姬氏周室之  
胄水府山宗之秀載挺瓌奇  
瓊林桂苑之華夙承休祉騰  
芳上莖流慶後昆故能異

人鬱起雄圖間出祖魏常  
山郡主薄博野丞寓量沈深  
養名蓄德父膺齊儀同臨  
朔鎮將風格凝峻居仁蹈禮  
並藏器於身蘊材傲俗君騰  
精玉守稟性金方少負不資  
之質長嬰斲施之累躅步通



衢戢翼中野矯迹嘉遁行  
運觀時暨炎曆將終皇猷  
爽德生靈阪蕩翦為寇亂九  
縣區分四郊多壘君攘袂激憤  
袖戈抗節既濯鱗羽思遇風  
雲是時四柱方傾共工之難尚  
梗五星不聚漢祖之業未隆

空懷耿介之心猶阻奔蹏之  
路劉武周滔天猾夏荐食晉  
陽宗金剛剽邑屠城捷惡汾  
浦乃以君為偽上柱國行軍  
愬管非其好也君久悟焚巢  
恒思擇木終觀投石未安累  
卵行危苟免言遜俟機



太尉秦王建旆東轅元戎北  
指出九天之外引百勝之師  
星駭雷駭刻平大憝既乃烏  
合為群俱同鍛翻獸衆之內咸  
遇翦毛而一面開羅三駭致禮  
捨鉤焚櫬特降優隆光被寵  
榮式加殊命乃授驃騎將軍則

大唐武德三年也王充負譽  
青丘流氛紫極屬南巢放桀  
之始西伯事殷之初窺覩非  
異妄干大寶 聖上憇茲黎  
首情軫納隍救彼淪骨思同  
濡足吾王奉遵廟筭受服但  
征蘊金遺玉鈴之謨運沙城



石陣之略鑿門畫閫柏定舊  
都君乃陪預戎麾俱參列將  
自毛帥浴汭結壘印山醜類  
逋誅屢犯旌旆君鷹鷂揚  
視展効獻功未換千里之塗  
翻垂六鳥之翅鍾儀去楚不  
捨南冠華元入鄭未通文馬

王充置之左右情加推信仍授  
偽官無優封爵君乃詭同背  
誕密運忠規潛圖去暴庶恢  
茂績方欲梟除元惡贊我大  
猷越以四年二月王充悉其步  
騎出至城西吾王馮軾觀兵與  
其相遇旗鼓雖布鋒鏑未交君



乃獨斷神謀先騰壯烈袖戈  
電擊撻劔風趨決搃兩陣之  
間申威乃人之上一發則貫其  
左股再申而折其右肱凶魁  
僵仆應時顛趾奔鯨赴穴桀  
犬如林以無因之迹駭不存之  
地莫不眩目驚視廢手頓足

雄夫為之亡曹猛土於焉累  
氣流光奪景浮雲變色噪益  
數步之中躍刃重圍之下以置  
制衆援阻路窮交鉞莫禦結  
纓終斃於是聲嘉玉冕悼  
感瓊枝四國嗟傷三軍悽愴  
司儀奉命致禮輜轅贈賻所



加特超恒典切書天府爰降  
王人 詔贈公官謚曰公禮也  
君質茂松筠心標鐵石慷慨  
有丈夫之操磊落懷烈士之  
風運偶物艱時鍾德喪關節  
高度不以知行自拘爽氣通  
才方持雄略為重厲兵車九

合齊楚之地未寧天下三分  
高周之道初草君乃屈迹抑  
憤與俗沉浮違亂去惡歸  
身大造既荷生育之賜方酬  
出岳之恩犁閭無虧造次  
斯在發忠顯効殉主捐軀  
登太行以未危帖焦原而不



懼故能抗逋藪之敵怨致天  
誅於巨猾雖則荆卿奏曲空  
進燕圖豫讓吞聲唯驚趙  
駟翳素之倒戟懷惠輔氏之  
結草酬恩比事論功固不同  
年而語矣吾王重義敦本情  
深嘉尚永言遺節有邁前

脩以為紀績詮名彛章之盛  
範鏤鍾鐻斯邦家之弘訓  
乃命勒茲玄石式達豐碑樹  
美無窮垂芳不朽方見雲  
飛幽隴飄飄與生氣俱浮吹  
動孤松蕭々與餘風共遠其  
詞曰



於穆顯宗肇分姬姓休緒  
駟奔靈源斯威鶴舞周儲  
鳥飛藁令流福所響傳芳  
遼夏木禿高林波騰巨壑  
莫奇弈載傑人間作是日  
趨材茲稱勇略稟質侏儻  
遊心寥廓珠囊掩曜玉弩  
騰

暉霧擁玄闕虹貫紫微一人  
喪道地廣無依逝莫以騁翔  
而未飛皇運膺期帝圖惟  
始野有龍戰人同覬起望阻  
昌期迹淪千紀處異信國居  
非仁里姦魁放命肆逆汾陽  
推轂台鉉授律文昌威宣取



亂績著侮亡氛稜既滅遺  
黎以康雷作既解風行斯  
承茲渥澤去彼危亂躍鱗  
清波厲羽霄漢乃優寵秩  
方隆榮觀龜萌縱慝狼廢  
為群嵩邛地阻伊洛川分  
五榮命將六郡興軍言從  
戎政奠


展鴻勲桓、正夫蠢、窮寂  
舉斧未弥吞舟猶漏墮伏  
無虞前茅爽候翻逆蛙本  
乃同夾胆違邦靡貳苦節  
思貞志除封豕庶翦長鯨  
神機奮發竒略允成惟義  
是蹈茲軀以輕烈氣外揚  
雄規內燮




拔棘超距橫矛每事渠魁既  
接蔭黨咸暨劔及王僚鏖  
加吳淖人稱韓相地日樓蘭  
捐生怨府建効鋒端論功彼  
易語迹今難致命所欲垂名  
不刊森々壯節凜々風度易  
水方寒邛山永暮月照泉戶

煙浮松路唯餘俠骨傳芳竹  
素


文館詞



四百五十二







文館詞林卷第四百五十三

碑卅三

百官卅三

中書令太子賓客監國史文館學士柱國高陽郡開國侯許敬宗等奉

勅撰

將軍三

虞南<sup>世</sup>左武侯將軍龐參碑序一首

褚亮左屯衛大將軍周孝範碑銘一首

并序

隨車騎將軍在元始碑銘一首

并序

隨右驍衛將軍上官政碑銘一首

并序



左武侯將軍龐參碑序一首  
虞南首  
昔者彤雲受命樊灌佐其  
雄圖白水興王耿賈宣其  
上略並能尉羽躍鱗培風  
激水誓丹書以達國錫青  
社以開基居陳五駟出馳

千駟盛矣哉功臣之為貴  
也眷言前烈疇能踵武嗣  
斯風者其唯安化公乎公  
諱字相州鄴縣人也靈源  
導於姬水胙土因乎魏邑  
或備文仕晉光命朕以享  
大邦或習武遊梁握兵符



而居上將自斯累棊徽猷  
相踵洛下名相仲達顯其  
龍章襄川奇偉士元騰其  
驥足長戟高門軒冕相繼  
形諸雕篆可得言焉曾祖  
公齊中散大夫陳留太守  
登高能賦凌雲之氣已道

下車布德甘露之祥斯表  
固已陳諸往諒紀乎前載  
祖公齊襄城王西閣祭酒  
鎮西將軍父公北海郡丞  
正議大夫並德業相傳家  
聲不墜清談萬論芬芳無絕  
用能載挺時俊克昌先緒



公體膺景緯氣稟英靈容  
貌都雅風神秀異資忠履  
孝彰於臨綺之年武藝雄  
才見於幡旗之日彎弧妙  
於百中擊劔踰於千里於  
是氣蓋山東名馳海內思  
龍媒用申鴻漸豈直梁甫在

咏上瀨長吟而已哉弱冠為  
左翊衛執戈武帳整芴禁闈  
便煩左右爪牙攸屬遇矣德  
無象雅缺其亡雕騎隨滿月  
之兵鷹門列陰山之陣公頻  
駘七萃出自九重右控六鈞  
左揮雙戟莫不擐旗執馘後



殿先鳴勇冠當時勲高莫府  
蒙授朝散大夫既而霧昏九  
縣塵飛五嶽戎狄交侵藩維  
內侮公乃銷聲晦跡言念卷  
懷語嘿沉浮用觀時變及欽  
明在運經綸維始孟津同德  
之侶沛邑大号之初莫不扼

樂爭趨奉圖歸命公早達興  
亡風布誠款乃贏糧景從憑  
風撫翼于時天步猶艱王途  
尚梗偷名竊号蝟起蜂飛公  
每羽義師率先銳士銜枚束  
舌夜襲晨趨沉舟焚次義  
無旋踵氣奪九軍戰同三捷



以平霍邑之切蒙授開府  
儀同三司薛舉負阻秦川  
凶徒甚盛仁果嗣虐同惡寔  
繁爰降神武龔行天罰公頻  
率精騎亟引軍鋒入地道之  
九重超石城之百刃踰艱履  
險奇績居多捨爵冊勳 帝用

嘉正蒙授大將軍以馮異之  
讓擢加衛青之榮号論功  
序爵朝章斯允值馬邑媛  
氛侵擾疆場龍連酋長為  
之聲授陳稀疆兵尚屯秦合  
盧芳壯騎或喻高柳乘折  
膝之氣磬引弓之力元戎致



討遠臨句注公將率義勇親  
稟宏謨躬先士卒奮不顧命  
雄劍長駟大殲凶醜王充阻  
兵怙亂竊據伊湮秣馬河華  
連鷄趙魏相王宣威閭外杖  
鉞斲門公以前茅左矩奇兵  
深入凌孫瓚之嚴城絕王離

之甬道元懸尅弥厥功斯茂  
及取劉闡於洺州破徐貲於  
兗邑常隨大旆每翼轅門權  
堅陷陣所向披靡拔幟揚  
徽隨機應變殊勲茂績大  
碣河山蒙授上柱國封真定  
縣開國侯五年以久勞戎陣



竒切克舉優秩仍加用乾勤  
蒙授秦王府左三翼衛府右  
車騎將軍七年授秦王左一  
副護軍其年又補左內馬軍  
副惣管九年六月以業穎艱  
難効乾忠欵蒙授左衛副率  
其年七月詔授右驍衛將軍

其年九月改封安化郡開國  
公皇上膺圖邴歷臨撫萬方  
永言惟舊恩榮弥重爪牙任  
切僉議所歸貞觀元年七月  
詔授左武候將軍居陪闈錡出  
導金輿式式道之青旌引金  
吾之緹綺戎麾文物光暉朝野



方當比跡韓吳齊切衛霍陪王  
檢之封翊華圖之駕而銜珠  
表瑞弗永於百年坐樹留名氣  
傳於千祀弓韜明月之暉劍  
滅連星之氣精粹所稟何其  
促歟以今貞觀二年六月八日  
邁疾薨於雍州長安縣之安

仁里宅春秋卅有五 皇帝悼  
深衽席恩同詔發贈公官謚  
公公禮也惟公少稱弘量喜  
愠不形尤長武略仁而有勇  
及感會風雲立切成務讓虛  
下物始終無改雖復關羽有  
國士之風祭遵懷儒者之操



無以加也粵其年十月甲戌朔  
廿一日甲午寔於雍州長安  
縣之么原遺孤藪然不勝孺  
暮同氣友睦弥庸急難爰建  
豐碑式鑄不朽宣令名之  
涑播遺芳於可久乃作銘云缺

左毛衛大將軍周孝範碑銘首

并序

褚亮

以夫聖人有作寶歷應期  
賢傑於是降生叶贊以之同  
德望方邵而長想起韓白而  
高步彌成久大之切黃亮邦  
家之業騰芳前古垂裕後  
昆身與朽壤同弊名隨鍛帛  
俱遠俾無愧色其唯誰敬公



乎公講孝範汝南安成人也  
姬水降祥惟王於是建國周  
原命氏因生以之賜姓積德  
綿遠歷載悠長公侯繼及衮  
紘重映主射雄辯頌美於秦  
君絳侯質直終安於劉氏室  
先之竭心土佐子隱之勸節邊

壇自斯已降可得而言者也曾  
祖公梁散騎常侍太子左衛率  
廬沔二州刺史保城肅侯早標  
譽望雅有幹局用能杖節權  
旄樹功立事祖陳車騎將軍都  
督八十二鎮諸軍事定安二州  
刺史武昌壯公張幕臨戎塞



惟佐牧殊勳表於甲令茂賞  
盛於博史父公隨大將軍使持  
節永桂雲三州愬管州一州諸  
軍事左武衛將軍譙僖公舊  
德非遠汗竹紀於聲芳遺愛  
所存甘棠表其歌詠自保城  
著績武衛安邊宣條千里於此

三業繼踵方牧時論榮之公惟  
岳降生含章秀出湛機神而  
內融肅括宇以外峻因心本孝  
之義發自天資率由立身之  
道匪因傍習姿貌疎傑容心  
方嚴穆乎苞不測之量毅然  
有難犯之色兵書軍志雖不



學於孫吳嘉謀遠筭自追蹤  
於衛霍弓矢盡蓋迹之妙騎  
乘均王濟之工州間推其敬  
讓宗戚歎其淳厚美譽所歸  
獨高茲日隨大業三年起家  
齊王典籤其年授交趾郡司  
倉書佐趨臧藩庭出臨荒裔

冀北之步雖涉於康衢圖南  
之舉未申於稟廓于時炎精  
已季亡徵將地公卷舒其德  
沉浮體命殆均亭伯遂遠出  
於遼陰更似文休亦竄身於  
外寓及皇朋草運品物咸亨  
越自遐方歸于京城 主上昔



在雒城任隆方陝撲燎原於鍾  
岱止橫流於淇勃遠求時是  
用清中夏公亦推誠霸王安  
質興王附翼之機因搏風而  
自遠縱鱗之致與委水而爭  
擊武德五年授秦王府右  
庫真車騎將軍君右之舉

諒侯勳賢析衝之任乃昇惟  
幄公之此選寔允得人九年六  
月改授太子右內率仍檢校  
北門諸仗宮率精兵見稱歷  
載儲闡禦武充光顯職奉雞  
戟以趨侍肅龍樓而巡警其  
年授千牛將軍封宜春縣公



食邑一千戶地擬封君榮超  
戎秩將軍之禮寵賜比於命  
卿建武之選名號隨於制敵  
貞觀元年授右屯衛將軍於  
武門領兵宿衛仍以奉職  
出使北蕃宣揚國威曉諭邊  
俗班奉四條之書肅清万里之

外使還又領武門內左右廂  
仗肅鈞陳於中禁排闥闔而  
上征羊祐之握兵機典聿之  
統軍帳任寄之重恩私罕匹  
五年轉授左衛將軍襲爵譙  
郡公加邑二千戶乃司欄錡奄  
有茅賦象賢先於繼及承



基感其出字六年以本官檢  
校殿中監事公累昇顯授所  
在勤官故能入司武職兼愨文  
吏人資才幹任華宮省公勵  
精為政見稱明察七年興駕  
幸于九成天駟觀風毛警尤  
切神居所寄控枻斯重乃興

左僕射至齡同掌樞禁昔漢  
后出征馬防留後魏帝巡幸  
徐宣統兵方之往賢之稱連  
類公勵志竭誠言則不隱嘉  
謀謹議知而必為中旨勞問  
寵賜優洽既舊抱疴恙遂淹  
氣序夏如邁疾載迴天曠



於是加授左屯衛大將軍封爵  
如故方且羽儀當代聳鑒具  
僚成大夏之棟梁濟巨川於  
舟楫而夜臺忽掩朝露已晞  
未勒寶憲之山遽終畢萬之  
牖七年薨於京師 天子為  
之輟朝追悼者良久乃贈工

部尚書餘並如故有司考行  
謚曰敬公禮也惟公識量明  
遠風神爽發蹈德無怠率  
禮不違潔操乃出於冰霜貞  
心有踰於金石至於鄉閭之  
教規範之言石廢愧其餘風  
王祖慙其家法非典暮之書



弗尚非忠信之言弗踐輕劉  
德之貨財重季布之然諾終  
如一心涉歷二代口絕臧否行  
無玷缺加以長於武藝妙識  
兵機金壇奇正得之於懷悅  
玉鈴攻取無勞於積習祭遵  
儒術未乏方其雅歌曹仁智

勇纔可用其勝自臨戎御衆  
莅政當官節約以檢其身寬  
和以接其下不矯飾以招譽豈  
乾沒以徇私在公必聞奉上無  
隱焚書草而方奏問溫樹而不  
言趙武之情留管庫晏平之  
祿及朋友而宣化旋促芳塵



不追投竿致其掩泣下機所以  
流恨豈非有始有平之功多  
事者哉即以其年永定於萬  
年縣之某所三河甲士選陳出  
塞容五校饒歌猶奏旌軍之  
曲峴山之拜弥懷於舊思原  
氏之阡更開於新道公早著

款誠夙展勤効沛公初起蕭何  
舉宗而有歸晉祗肇基何曾  
在朝而盡敬故能特昇爵位  
偏隆寵渥書社千室享祿萬  
鍾曲旃雄戟之重文軒銷弩之  
貴當代近臣罕出其右薨徂  
之日朝野興悼思加丘隴禮備



哀榮夏命有司立碑隧道昔  
者西漢殊功唯頌美於克國  
南宮舊事心畫像於中華未  
有勤茲丹宇旌斯玄地發自  
皆衷永胎相質天古地久  
與時代而長存石散金銷隨  
風歎而共遠同夫庸器之典兼

取雕戈之義銘曰  
縣縣姬緒弈弈幽風克纂遙  
冑惟茲懋切家承台表人出  
才雄祖考載德勲庸在躬是  
為人譽復紹名公盛業長祀  
猗歟積慶誕斯明哲實標莫  
今孝資感仁由天性潔比清



冰皎同懸鏡，藩庭入仕水。鄉從  
政勇冠秦隴，聲馳函洛譽。美  
遯外績宣，臺閣運逢霸。道時  
惟聖佐，乃司禁衛兼謀帷。  
寵越等倫思踰藩，岳天爵斯  
重時榮已隆。是惟顯職兼司  
禁中竭誠奉，上捐私徇公勵。

行無怠當官，匪躬又能附衆。  
武實收功人，擅榮寵族華。鄉  
相迺求懿德，惟人之望職重。  
中軍名超列，將摧梁奄及。  
禕才長，裘油素傳芳。丹青  
表狀逝川不息，拱木行陰猶  
迴。慈悼尚結神襟，恩加陳腐。



寵越遺簪追榮愬洎榮贈  
交臨化運長往空嗟德音百  
身靡贖千載猶生沒貴無朽  
唯茲今名銘開古石地上新  
楚年代滋遠上陵或平瞻言  
芳烈永樹風聲

隨車騎將軍莊元始碑銘首

并序

褚亮

昔姬文政典司勳詔於旂常  
魯史策書大夫稱其功伐  
洛師鏤昆吾之銘尸臣斲栒  
邑之頌然則紀迹庸器必俟  
非常之切騰芳彛篆用資可  
久之德況乃殞身徇節捐生  
立事奮於百代之上裕乎予



載之下而無刊勒者哉公諱  
元始字長節南郡江陵人也  
若乃執珪思越非重上卿瘞  
金入楚實交窮巷武彊命社  
稷助顯於西都會計臨人侍  
從先於東國冠冕之威可略  
而言者焉祖公義陽太守父

咸湘東內史並泛涉儒書充  
曉兵略威之大父靈福亦守  
武陵剖符千里於此三代公  
降靈秀發資神挺生爰自  
騶綺已標機悟通家李尹  
驗其占對可觀即座顏回歎  
其風規獨遠長而異量雄姿



角立傑出苞權豪之遠度藟  
將師之奇材長劍博擊之機  
短書從橫之術鸞弧蟬翼之  
妙登鞏封之巧有一於此公必  
兼之仕陳之日歷官藩府起  
家宜都王國常侍稍轉內兵  
參軍屬王師伐陳江表初定

公乃奔竄句吳山林屏迹而  
江湖礮亂輕慄合從閩越潛  
城邑乎起公乃避地餘杭志  
在宣力值吳興逆賊攻逼州  
城梯衝俯臨資援外絕公身  
在窮圍受屈強寇士有飢色  
人無固心而三令已明九距兼



設分兵決戰遂翦妖徒一州  
獲全實公之策軍師議賞乃  
授儀同三司高智慧作亂吳  
州同惡相濟舳舻亘水旌旗  
不絕時越國公為行軍元帥  
交兵浙江雖豹略之機決勝  
千里而烏集之黨猶思一戰

公受命軍門先馳銳卒運  
習流而直拍檣戈船而長驚  
奇兵電激凶徒凡解連豎崩  
潰分竄海隅公又從元帥輕舟  
遠襲山谷首豪應時殲殲水  
陸阻憑隨方勦定更授上儀  
同三司詵加開府於是乘傳



入朝屯衛宮掖恩踰上等禮  
出舊臣吾老既晚入之榮黃  
權乃從公之貴俄授車騎將  
軍仍從越國公北伐大俘醜虜  
振而歸尋丁湘東君憂哀毀  
為疾從權奪禮還攝太子軍  
而獯羯未賓侵擾邊服仁壽

元年越國公惣戎出塞公任  
在支軍復隨莫府故以再從  
驃騎兩出定襄屬伯初於偏  
師隱子顏於敵國及大軍轉  
戰黠虜縱兵砂磔風飛矢石  
雨下公潰陳深入輕騎獨先利  
劔之所奮擊長戈之所仆斃



莫不高潤野草屍橫亂麻  
辨駭喪旃扶傷救死銳氣驕  
賊臨難忘身殞於虜陣春秋  
卅有六天子聞之臨朝不舉乃  
詔曰車騎將軍元始氣幹標  
勇襟神果毅情深為國志在  
忘生竭力戎行功立身殞興言

壯節有悼於懷宜追加榮位  
用申賞典可贈上天大將軍  
喪事隨由資給仍以本官開  
府迴授適子永興有司考行  
謚曰剛子禮也惟公早叶英風  
夙標遠槩資德率禮履信基  
仁出言為九斲之貴恤患輕



千金之產建乎五勲江外位  
穆台階肅恭奉上廣潔御下  
故能竭誠邊幕流慟宸襟使  
者降斂衮之榮冊書隆加命  
之典豈非忘生踰義臨邑盡  
節者哉以今二年三月六日  
葬於涇陽縣之神狐里阡臨

京地地擬德陽五校發鏡歌  
之軍十里開賜瑩之所博陵官  
屬尚惆悵於王沉謁者議喪  
寶流連於鄧訓僉以陳君物  
範且勒頽川之碑張氏孝廉猶  
書冠軍之碣況乃勸茲近俗振  
我淳風節土慕義懦夫成勇



言之不可以已其在斯乎乃刊  
志清徽樹之神道俾夫披文  
相質知皇代之有人焉銘  
曰  
梁楚華胄卿相高門俛拾青  
緩奔荼朱輜祖考積德踵武  
洪源洪源寔長有此人良鵬

年岐嶷綺歲珪璋高風凜凜  
逸足昂昂滂九百封披書五  
行賜璧遊趙明珠入梁宗京  
黍稷舊社淪亡獨往攸貴自  
得為塲吳越輕心寇賊交侵  
連衡浙右阻亂楛陰我有奇  
策偏軍平臨良圖外斷英勇



內沉轉鬪千里觀機七擒台  
儀已峻帝寵尤深麾下騎士  
兵屯羽林權燁夕照絕幕從  
戎登蛟氣憤躍馬心雄腰橫  
楚劍項縱秦弓酣戰力屈長  
驅路窮傷情邊塞結悼神躬  
策命追遠絲言飾終哀榮禮

備贈贈恩隆蟻結將掩龜謀  
已同旌旒照日鏡鐸含風誰言  
不死貴在銘切

隨右驍衛將軍上官政碑銘首

并序

褚亮

若夫楚都為寶兼璜於是  
不貴梁國攸珎明珠以之非  
重賢臣者為政之樞機佐時



之棟幹驚鳥累百無申搏擊  
之功良馬日千乃見康衢之  
力至於勲書紀狀業著司庸  
存公立事之臣沒稱遺愛之  
美則上官使君其有焉公諱  
政字匡濟京地公縣人也其  
先惟德受氏因官賜姓青史

孤其長源丹輅傳其遠葉子  
蘭楚國之大夫桑樂漢家之  
令望自此蘭兮挂馥玉閨金  
莫軒冕相繼賢才為伍九代  
卿族既已慙華七葉預韶信  
其殊寵王父公魏使持節大行  
臺原州刺史布教文昌之宮



儀形列岳之選切宣彛斯道  
冠生靈父公周使持節大將  
軍公州刺史象賢以德受爵  
惟仁盛業存汗竹之書餘風  
表甘棠之惠公夙承基緒早  
播聲芳協膺運之雄姿爰誕  
靈而秀出皎皎奇節昂昂異

雅性與江海同深莫風隨寨  
廓共遠孝友之行道高於楮  
紳退讓之心譽結於卿壘枝  
殫劔史學兼翰榮孫子短長  
之術魏君接要之書巧射匹  
於陽元善騎同於武子縱情  
儒業遊藝翰杖蹈道必於仁



厚結交崇其信義弱冠登朝  
脩名獨遠天和元年召為右侍  
上土其年月改授折衝上土于  
時王業肇基霸圖將搆妙求  
賢傑允屬勲庸公劬勞草昧  
竭盡心力依日月之末光  
攀附而長想大象二年奉別

勅依儀同例是日勲舊乃披  
荆棘獨升朝伍弥簡帝心及  
革命從時應期詔運宗昌特  
拜既可為傳何曾盡禮尤其  
相正開皇元年乃授儀同大  
將軍賜爵安養縣子第土之  
恩爵頒五等蒲璧之美榮高



一代五年授左武候車騎將軍  
八年以本官兼長春宮惣監  
式道之官實須禦侮離宮所  
幸必資供辦十六年授左備身  
府驃騎將軍十九年改領右親  
衛府驃騎將軍惟左惟右兵  
兵欄於是得才或內或外鈎陳

以之載肅仁壽元年獯粥孔熾  
控弦犯塞烽火通邊薄伐之  
選非公勿可於是奉詔徂征  
鞠旅深入結武剛而為陣運  
衽席以致兵出其不意忽然  
相接將士用命思蹈湯火斬  
獲不窮遂殲巢穴十一年進



授上大將軍改封義清縣開  
國公食邑一千五百戶加地  
進律策勳命賞戶口歲其租  
入光寵備於朝章三年授左  
備身將軍四年以本官檢校  
慈州刺史事于時晉陽搆亂  
媛氣未靜漳滏之寄心膂攸

歸公式遏寇虐廓清遐迹開  
河克定趙魏無塵於是黠吏  
畏威小人懷惠龔杜之化諒  
在茲辰賈邠之風固其慙德  
大業二年授潘州道行軍總  
管憬被海隅不遵王略公執  
鉞偏師宣威外閩除其氣亦



遐方靜謐三年徵授左武衛  
將軍項之又授右驍衛將軍  
升降形闡駟馳紫複聲稱斯  
遠朝野穆然其年晉班新令  
官号初改於是更授右光祿  
大夫將軍如故及鑿駕西幸  
怨其南征轍迹所臻方任尤

忉於是又以本官檢校西平  
太守壇場偏隅竅戎樓境公  
導之以德廢之以刑夷狄相  
趨繯絡而至釋寃理訟無勞  
於鈎距以寬濟猛不行於皎  
察得經邦之妙旨識美化之  
有由可謂共綏兼稱能吏求



之古人若無愧色循良之化  
載暴於天朝脩短之期奄捐  
於人事上主輔善既已無徵  
勾芒賜壽豈為誠說公年公  
月遘疾薨於官春秋五十有  
五天子輟朝不舉追思將師  
之臣萌庶罷市相悲同興環

缺之恨有司考行謚曰某侯  
禮也惟公早契宏圖夙標令  
問天經地義得之於自然踰  
德依仁匪由於傍習履潔不  
私精慎無怠莫窺喜愠罕測  
堤封履行斯和所交必信見  
慈如由已聞善若順流寬裕



足以容衆矜莊可以勸物既在  
貴而能降實居榮而好讓爰  
初弱歲洞曉兵略攻取戰勝  
之機隳城陷敵之勇每至營  
圖却月氣折寒膝矢石如飛  
旗鼓相望公則雅歌臨陣為  
扇從戎威稜獨遠隱如敵國

加以終始一心駘馳兩代並經  
征討屢典軍人去必見思居  
帝稱臧故能服冕乘軒獨  
榮當代擁旄杖節垂譽後昆  
豈非斯人之秀士有國之良翰  
而道長運短零落無時一襲  
名賢同悲弥悼即以今十一年



還葬於京地郡公縣之公原  
古者王臣之勲必書方策貽  
厥之義式銘鐘鼎前志有之  
足以明鏡言之不可以已其在  
斯乎嗣子公等在家惟孝登  
朝必聞上弘思親之道傍求紀  
德之事於是刊石宣風永貽

相質頌曰  
辰昂降精人物之英門多才  
秀族有公卿永錫流祉繼迹  
揚聲遙駈華轂牙委長纓  
迨茲今肖竒姿挺生盛德祀  
長屬在人良黃中岐嶷青頤  
珪璋如彼鳴鳳曜彩朝陽如




彼振鷺矯翼高翔閭室無  
怠幽宮獨芳心齊竹栢操  
檄冰霜徒橫劔杪避息文  
場功叅霸業榮定勤王董  
司軍要展力遐方式陪蘭  
綺著績衡漳勲存賞冊勇  
冠戎行申威朔野尅定邊  
荒時逢交泰

運屬重光巡警載肅劬勞  
以彰出典專城方隅廓清  
屢權封豕亟翦長鯨一年  
請借暮月斯成銀黃盛寵  
金爵餘榮悠長運促促浮  
生運龍堙沒送鴈哀驚陽  
陵卜地洛涑占瑩藏舟不  
固深谷






終年死而可作惟茲今名

文館詞林



第四百五十三



文館詞林

四百五十三



